



24.06.2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

1. Nunatsinni Meeqqat Atuarfiini “Inuunerup Atuarfia”-tut siunertalimmik misileraanerit atuarfinni sorlarni ingerlanneqarnersut Naalakkersuisut paasissutissiisnaappat?
2. “Inuunerup Atuarfia”-tut siunertalimmik misileraanerit atuarfinni qanoq pilersaarusionerqartarpat ingerlanneqarlutillu?
3. Nunatsinni Meeqqat Atuarfiini misileraaffiusuni “Inuunerup Atuarfia” meeqqanut angajoqqaanullu isumassortariaqartunut qanoq sunniuteqarnersoq Naalakkersuisut nassuiaasinnaappat?
 - a) “Inuunerup Atuarfia”-tut siunertalimmik misileraanermi maangamut misilittakkat ilisimasallu qanorittut pigineqarnersut Naalakkersuisut tunngavilersuisinnaappat?
 - b) Meeqqat qanoq amerlatigisut “Inuunerup Atuarfia”-tut siunertalimmik suliniuteqarfigineqarnissamut pisariaqartitsippat?
 - c) Angajoqqaat qanoq amerlatigisut “Inuunerup Atuarfia”-tut siunertalimmik suliniuteqarfigineqarnissamut pisariaqartitsippat?
4. Nunatsinni angajoqqaat qanoq amerlatigisut meeqqap atuarnerani siunnersorneqarnissamut pisariaqartitsinersut Naalakkersuisut misissuiffigisimavaat?
5. Nunatsinni Meeqqat Atuarfiini “Inuunerup Atuarfia”-tut siunertalimmik nuna tamakkerlugu periarfissaq atuutilissappat ilinniartitsisut sulineranni nal. akunn. qanoq amerlatigisut atorneqassanersut Naalakkersuisut naatsorsorsinnaavaat?
 - a) Tamanna Nunatta karsianut aningaasanngorlugu qanoq naleqassava?
6. Meeqqap atuarneranut tunngatillugu angajoqqaat angajoqqaajulluarnissamut piginnaasallit piumassusillillu nukittorsarnissaat siunertaralugu Naalakkersuisut qanoq suliniuteqarniarpat?

(Inatsisartunut ilaasorta q Aqqa Samuelson, Inuit Ataqatigiit)

Tunngavilersuut:

Upernaaq 2019-imi Ilinniartitaanermut Aqutsisoqarfik aqqissuussisoralugu sinerissami ilinniartitsisunit peqataaffigineqartumik "Inuunerup Atuarfia" pillugu pikkorissaaneq ingerlanneqarpoq, ukiunilu aggersuni pikkorissaanerit malitseqartinneqarnissaat pilersaarutigineqarluni. "Inuunerup Atuarfia" angajoqqaanut meeqqanullu atuarnep tunngatigut isumassortariaqartunut neqeroorutaavoq, misileraanerillu Nunatsinni ingerlanneqarsimallutik. Meeqqat angajoqqaallu atuarnep tunngatillugu atuarfimi ataatsimoortinneqartarput, oqaloqatigiisinneqarlutik, sammisaqatigiisinneqarlutillu angajoqqaat atuartuutiminnut angajoqqaajulluarnissaat siunertaralugu.

Meeqqat amerlasuut angerlarsimaffiup avataanut inissinneqapput. Angajoqqaat angajoqqaajulluarnissamut piginnaasallit piunassusillillu nukittorsarnissaat suliaaavoq, pingaartumik meeqqap atuarnep malinnaanissamut siunnersorneqarnissamullu tunngatillugu. Taamaattumik "Inuunerup Atuarfia"-tut siunertalimmik misileraanerit pillugit itinerusumik paasisutissanik pissarserusuppunga, meeqqanut angajoqqaanullu qanoq sunniutai, misilittakkat, ilisimasallu pigineqalersut paasisaqarfigerusullugit.

Ullut sulliviit qulit naliginnaasut iluanni apequtinnut akissutit tiginissaannut qilanaarpunga.